



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Joannis Nadasi, è Societate Jesu, Annus Caelestis,  
Jesu Regi, & Mariae Reginae, Sanctorum Omnis Sacer**

Anni Caelestis Dies, & Festa Mobilia

**Nádasi, János**

**Coloniae Ubiorum, 1667**

19 Junii. 13 Kal. Julii.

[urn:nbn:de:hbz:466:1-53527](#)

520 ANNI CÆLESTIS

S. Elisabeth Virgo.

S. Autberte Ep. Archangelo Michaële familiariter use; ab eodem templum ejusdem nomine construere jussé; eodémque duce, morte beatissimâ immortalitatem adept.

S. Calogere senex, qui quoad vixisti, totâ hebdomadâ, excepto tantum die Dominico, jejunâsti, non nisi pane & aquâ refectus: & divino amore incensus mira in Siciliâ divinitus vidisti atque patrâsti. cuius corpus exanime, genibus complicatis, erectâ cervice, extensisque in altum manibus, est repertum.

OMNES SANCTI, &c.

pag. 320.

S. MARIA, qua cuidam te, pro felici morte, precanti, dixisti, te curaturam, ut illius mors non solum sit, ut hominis Christiani, sed etiam, sicut Sancti: impetra mihi mortem, qua sit sicut hominis Christiani verè, & verè MARIANI!

19 Junii. 13 Kal. Julii.

B Eata Julianæ Virgo, MARIA à cunis devotissima; quæ, quot hebdomadis, quartâ & sextâ feriâ nihil, sabbato verò panem tantum &

XIX JUNII.

521

& aquam, in cibum & potum admittebas; cui pleni semper tenerimarum lacrymarum oculi, plenum ignis sancti cor; quæ sacratissimo viatico cum ob languentem stomachum refici non posses, per miraculum refecta, blandè ridens obdormisti in Domino, & expressam Crucifixi in pectore imaginem reliquisti. Impetra cordi, ac oculis meis lacrymas salutares; impetra Crucifixum Iesum pectori huic duro: ut doleam nunc omnia mea, & omnia omnium creaturarum contra Deum facta mala; gaudeam de meis, & omnibus omnium creaturarum pro Deo factis bonis; ut æternum videam æterna bona mea, & gaudeam de Dei, & omnium Sanctorum æternis bonis. Ne mihi, quæso, ullum gaudium temporis elipiat blandos risus mortis, & gaudium æternitatis. Amen.

Sancti Gervasi, & Protasi, Sanctorum Vitalis, & Valeriarum Martirum filii, Martyres; qui sparsis in pauperes omnibus, servis libertate donatis, tu, Gervasi, plumbatis ad mortem usque cæsus es; tu vero, Protasi, fustibus percussus, capite truncatus es.

SS. Ursi-

522 ANNI CÆLESTIS

SS. Ursicine, & Zosime, MM.  
post acerbos cruciatus, capite  
cæsi.

Sancti Gaudenti Ep. & Culmati  
Diacone, Martyres.

S. Bonifaci, è musico tui nomi-  
nis, & patroni Martyris gloriâ,  
ad martyrium accense Martyr.

S. Romualde, Camaldulensium  
Pater sancte, hodie mortue, cuius  
cilicio dæmon fugatus est.

B. Michelina, quæ à Crucifixo  
felicem, & celerem filio tuo  
mortem impetrâsti: quæ postea  
carnis tuæ hostis, ægrorum ancil-  
la, elephantiasi exesi cujusdam  
dum ulcera singula exosculareris,  
fanâsti.

OMNES SANCTI, &c.

pag. 320.

S. MARIA, coram cuius altari,  
imagine orans S. Romualdus, corde  
toto ad magnam vitæ sanctimoniam  
exarsit, lacrymis abundè perfusus.  
Ora, Domina, ut quoties oro te,  
seu Deum per te, semper  
melior redam à  
te!

20 Junii.